

Hkauj Hu Npligsiaab



Grace Hmong Alliance Church

4400 N. Mayfair Rd, Wauwatosa, WI 53225 * Tel. (414) 643-5272
www.ghalliance.org, Email: info@ghalliance.org

Taw Qhia

Cov nkauj hauv phau no, peb pawgntseeg Grace Hmong Alliance Church rho hauv HKM Phau Nkauj Hu Qhuas Vajtsvw los tso rau no tau hu rau tej lub sijhawm muaj kev nyuajsiab.

Pawgntseeg Grace Hmong Alliance Church (GHAC) yog ib pawgntseeg uas zwm rau hauv Hauvpaus Koomhaum Hmoob Qhia Txoj Moo Zoo uas zwm rau pabpawg ntseeg Christian and Missionary Alliance (C&MA).

Pawgntseeg GHAC lub tuamtsev nyob rau ntawm W. Congress St. thiab N. Mayfair Rd. sibtshuam. Nquahu cov kwvtij neejtsa sawvdaws tuaj mus saib peb, koom peb kev pehawm Vajtsvw.

Pawgntseeg Tej Sijhawm:

Hnubkaj (Sunday):

Niamtsev/Txivtsev/Cov Hluas	9AM-10:00AM
Menuam Yaus (Children Church)	9:00AM-10:00AM
Pehawm Vajtsvw Hmoob/English	10:15AM-12:00PM
Menuam Yaus (Sunday School)	10:15AM-12:00PM

Wednesday 6:00PM-8:00PM peb muaj rau cov hluas tuaj pehawm Vajtsvw thiab kawm Vajtsvw Txojlus uake (Crosswalk).

Pawgntseeg muaj 3 tug xibhwb ua haujlwm puv sijhawm. Lawv ua haujlwm nyob hauv tuamtsev Wednesday-Sunday 8:00AM-4:00PM. Thawj Xibhwb, Kx. Xeev Ntxawg Xoom (715) 218-4193. Xibhwb Saib Tswvcuab, Kx. Nkaajlev Vaaj (414) 808-9190. Xibhwb Rau Cov Hluas, Kx. Ntxoov Fwj Vaj (262) 212-6504. Yog muaj lusnug dabtsi los hu nug tau.

Thov Tsistxhob Nqa Mus Tsev

Uatsaug

16. NTIAJTEB VAJTSWV TSIM TSEG

Ntiajteb Vajtswv tsimtseg
Nws pub peb nyob ibntus
Txawmyog xav nyob pestsawg losxij
Yuav nyob qhov no tsis ntev
Cov ntseeg Vajtswv yuav nyob
Lub tsev Ceebtsheej saum ntuj
Peb yuav nrog Vajtswv nyob qhov ntawd
Mus li ibtxhis tsis kawg.

Ntiajteb muaj xyoob muaj ntoo
Zoonkauj kawgnkaus li tiag
Tabsis muaj coobleej xav hais tias
Yuav tsis muaj hnub duamus
Yog nej tsis tau los ntseeg
Ciali los ntseeg nimno
Tswv Yexus tuag saum ntoo khaublig
Txhiv nej dim nej lub txim.

Ntiajteb tsis ruaj tsis khov
Tsis ntev yuav yaj yuav ploj
Qhov txhia chaw uas tibneeg pheej ntshaw
Vajtswv yuav muab povhlawv
Tswv Yexus txoj kev hlub
Yog qhov tseemceeb thiab ruaj
Peb ntseeg Vajtswv tsistseg tsistu
Mus nyob qhov tsis puastsuaj.

136. THAUM TXOG HNUB TIMTSWV TSHUAB RAJ

Thaum txog hnub timtswv los tshuab raj hu
Kom cov ntseeg mus saum ntuj
Cov ntseeg Yexus uas tuag lawd
Yuav sawv txhua tus
Tswv Yexus yuav los saum ibnta ntuj
Coj cov ntseeg mus uake
Nws yuav coj kuv mus
Rauqhov Nws sau kuv npe.

Kuv lub npe Nws sau hauv ntawv cia
Kuv lub npe Nws sau hauv ntawv cia
Kuv lub npe Nws sau hauv ntawv cia
Vajtswv txheeb hauv ntawv
Yuav pom kuv npe sau cia.

Cov uas tau los ntseeg Tswv Yexus lawm
Yuav mus txog Ceebtsheej ntuj
Lawv txhuatus yuav tau mus
Txais lawv tej nqizog
Yuav tsis muaj leejtwg muaj mob muaj nkeeg
Hauv Vajtswv lub xubntiag
Lawv nrog Vajtswv nyob
Vim muaj lawv npe sau cia.

Txhuatus ntseeg Yexus muaj feem
Nrog Vajtswv nyob saum Ceebtsheej ntuj
Tswv Yexus yuav muab
Ceebtsheej los ua lawv tug
Lawv yuav tau nyob kajsiab lug nrog Tswv
Yexus tswjteb kavchaw
Vim muaj lawv lub npe
Sau cia rau hauv Phoo Ntawv.

140. THAUM YEXUS ROVLOS TSIS MUAJ KEV TSAUSNTUJ

Thaum Yexus rovlos tsis muaj kev tsausntuj
Thaum Yexus rovlos tsis muaj kev tsausntuj
Thaum Yexus rovlos yuav muaj kev tshavntuj
Nws yuav coj peb mus nyob saum ntuj.

Nws yuav coj peb mus nyob saum ntuj
Nws yuav coj peb mus nyob saum ntuj
Thaum Yexus rovlos tsis muaj kev tsausntuj
Nws yuav coj peb mus nyob saum ntuj.

Thaum Yexus rovlos tsis muaj kev mobnkeeg
Thaum Yexus rovlos tsis muaj kev mobnkeeg
Thaum Yexus rovlos peb yuav sawv pestsees
Nws yuav coj peb mus nyob saum ntuj.

Thaum Yexus rovlos tsis muaj kev quajntsuaq
Thaum Yexus rovlos tsis muaj kev quajntsuaq
Thaum Yexus rovlos peb tsis los kuamuag
Nws yuav coj peb mus nyob saum ntuj.

"15 Zaj uas peb qhia rau nej no twb yog peb qhia rawsli peb tus Tswv Yexus tej lus qhia uas hais tias, hnub uas tus Tswv Yexus rovqab los, peb cov uas tseem ua neej nyob, peb yuav tsis xub ua cov uas tuag lawd ntej mus. 16 Thaum tus Tswv Yexus yuav los saum ntuj los, sawvdaws yuav hnov ib lub suab hu nrov-nrov saum ntuj tuaj, thiab yuav hnov tug thawj timtswv ceebtsheej lub suab hu thiab hnov Vajtsww lub suab raj suab xyu nrov. Ces cov tibneeg tuag lawm uas ntseeg Yexus yuav sawv hauv qhov tuag los. 17 Tomqab ntawd Vajtsww yuav coj peb cov uas tseem ua neej nyob, nrog cov tibneeg ntawd uake nrog huas nrog cua mus ntsib tus Tswv saum ibnta ntuj, peb yuav nrog tus Tswv nyob mus ibtxhis li." 1 Thexalaunikes 4:15-17 (PTT)

148. YEXUS HLUB KUV, KUV ZOOSIAB KAWG

Yexus hhub kuv, kuv zoosiab kawg
Nws los pab peb sawvdaws
Nws theej kuv txhoj saum ntoo khaublig
Cawm kuv dim kuv lub txim.

Thaum-ub kuv ua dabtauj dabqhev
Nimnov kuv muab tsotseg
Ntxwjnyoog ntxias kuv, kuv tsiv dimplaws
Tauzoo ibtxhis tsis kawg.

Thaum uas peb tso ntajteb no tseg
Yexus yuav coj peb kev
Peb zoosiab kawg muaj chaw ciasiab
Yexus yuav coj mus tiag.

Thaum peb mus txog saum Ntuj Ceebtsheej
Peb yuav muaj kev thajyeeb
Peb tsis tshaib tsis nqhis dabtsi li
Txhuayam Vajtsww npaj tseg.

Peb nyob saum Ntuj kevtuag tsis muaj
Yuav tsis muaj kev puastsuaj
Yog peb ntseeg Nws mus li tsis thim
Yuav tau txojsia ibtxhis.

"16 Rauqhov Vajtsww hhub tibneeg ntajteb kawg li, nws thiaj txib nws tibleeg Tub los rau hauv ntajteb, tug uas ntseeg nws leej Tub yuav tsis tuag, tabsis yuav tau txojsia ntevdhaww mus ibtxhis. 17 Qhov uas Vajtsww txib nws leej Tub los rau hauv ntajteb no, tsis yog los txiavtxim rau tibneeg ntajteb, tabsis yog los cawm tibneeg ntajteb kom lawv dim lawv lub txim." Yauhas 3:16-17

149. VAJTSWV TXOJ KEV HLUB ZOO KAWGNKAUS

Vajtswv txoj kev hlub zoo kawgnkaus
Cawm tau kuv dim rovlos
Thaum-ub kuv ploj nimno nrhiav tau
Digmug nimno kuv pom.

Vajtswv qhia kom kuv ua siabtug
Kuv thiaj li tsis poobsiab
Kuv paub tseeb tias Yexus hlub kuv
Kuv thiaj li ntseeg tiag-tiag.

Kuv raug kev txhawj kev ntshai ntau kawg
Nws pab kuv dhau huvsi
Nws coj kuv ua ntuzus los lawm
Thiab tseem yuav coj mus ntxiv.

Yexus coglus ruajkhov rau kuv
Tas Nws yuav tuav kuv tes
Kuv lub neej ces kawg rau Yexus
Thaum kuv tseem nyob ntiajteb.

Thaum kuv lub cev mob qaug zogzig
Thiab txojsia no yuav tu
Kuv yuav tau lub neej tshavntuj nrig
Thaum kuv mus txog saum Ntuj.

Kuv nrog Vajtswv nyob mus ibtxhis
Ci ntsa-iab li lub hnub
Kuv tseem yuav hunkauj qhuas Nws ntxiv
Ibyam li yav thaum-ub.

166. NTIAJTEB NYOB TSIS NTEV

Ntiajteb nyob tsis ntev Yexus nyob ibtxhis (x3)
Kuv tsis xav thim, Kuv tsis xav thim.

Tomqab tsausntuj nti tomnej tshavntuj nrig (x3)
Kuv tsis xav thim, Kuv tsis xav thim.

Ntiajteb yuav puastsuaj Yexus yuav nyob mus (x3)
Kuv tsis xav thim, Kuv tsis xav thim.

Ciali los ntseeg kiag muab kev txhaum tsotseg (x3)
Kuv tsis xav thim, Kuv tsis xav thim.

171. THAUM KUV NYOB ZE VAJTSWV

Thaum kuv nyob ze Vajtswv, Kuv lub siab kaj
Txawm yog txomnyem npaumtwg, Kuv lub siab xyivfab
Kuv tsis muaj kev nyuajsiab thaum tau nyob ze Vajtswv
Ntawm Vajtswv lub xubntiag muaj kev zoosiab xwb.

Thaum kuv txav deb Vajtswv kev txhawj los ti
Tsis pomqab ua zaj twg, kuv nyob tsausntuj nti
Thaum ntawd kuv txiatxim siab rovqab los cuag Vajtswv
Ntawm Vajtswv lub xubntiag muaj kev zoosiab xwb.

Txug thaum ntujtag tebkawg kuv yuav zoosiab
Yuav pom Vajtswv tebchaws thiab tau mus nyob kiag
Timtswv los txheeb hauv ntawv muaj kuv lub npe sau cia
Coj kuv mus nyob rau ntawm Vajtswv lub xubntiag.

Saibntsoov Vajtswv tshwjchim ci ntsa qias-iab
Tej kev ntxhovsiab yajntshis mas yuav zoo kuv siab
Kuv yuav ua Vajtswv tsaug kawg kuv lub siab lub ntsws
Kuv yuav seevsuab hunkauj los qhuas kuv tus Tswv.

172. NYOB NTAWM TSWV YEXUS LUB XUBNNTIAG

Nyob ntawm Tswv Yexus lub xubntiag
Kuv nyob tsosiab phluav tiag
Nws txoj kev hlub yuav tsomkwm kuv
Kuv lub siab thiaj li nyob tus
Kuv hnov timtsyw los hunkauj
Ua rau kuv zoosiab kawgnkaus
Suabnkauj nrov saum ibnta ntuj
Ua rau kuv nyob kajsiab lug.

Nyob ntawm Tswv Yexus lub xubntiag
Kuv nyob tsosiab plhuav tiag
Nws txoj kev hlub yuav tsomkwm kuv
Kuv lub siab thiaj li nyob tus.

Nyob ntawm Tswv Yexus lub xubntiag
Kev ntxhovsiab ploj lawm tiag
Kev simsiab tsis muaj cuabkav ntxias
Tau kuv mus ua phem ua qias
Nyob ntawm Tswv Yexus xubntiag
Kuv dimplaws txoj kev nyuajsiab
Dim txoj kev txomnyem quajntsuang
Yexus so kuv lub kuamuag

Cia Yexus ua kuv tug kwvluag
Pab kuv dim txoj kevtuag
Nws yuav tsis muab kuv tso povtseg
Nws yeejyuav tuavrawv kuv tes.
Yexus zoo li daim txiaghla
Los tivthaiv saum kuv taubhau
Yexus zoo li daim lagzeb
Los tivthaiv ncig kuv lub cev.

177. THAUM TXOJ KEV KAJSIAB

Thaum txoj kev kajsiab
Nkag los rau hauv kuv lub siab
Uacas kev ntxhovsiab txawm los thiab
Txawm yog li ntawd los
Tswv Yexus qhia hais tias
Kuv tau txais kev kajsiab, kev kajsiab.

Kuv tau txais kev kajsiab
Kuv tau txais kev kajsiab, kev kajsiab.

Dab Ntxwjnyoog xav ntxias
Kom kuv ntsib txoj kev txomyem
Los kuv zoosiab Yexus qhia tseg
Hais tias Nws paub tseeb
Kuv yeejyuav kov tsis yeej
Nws thiaj nqis los ua kuv tus Cawmseej.

Kuv tej kev txhaum Nws
Muab dai rau saum ntoo ntsiates
Nws hlub kuv Nws tsis tso kuv tseg
Nws ntxuav kuv kev txhaum
Kom kuv huysi dawbpaug
Kuv thiaj hunkauj ua Tswv Yexus tsaug.

Thov Vajtswv pab kom
Kuv lub qhovmuag tau mus pom
Tswv Yexus nrog huas nrog cua los
Los txog ibnta ntuj
Muaj suab raj nrov thoob ntuj
Thaum ntawd kuv yuav muaj kev kajsiab lug.

192. KUV THOV TUS TSWV YEXUS UA KUV NTEJ

Kuv thov tus Tswv Yexus ua
Kuv ntej niajhnuv mus
Uake tuavrawv kuv txhaisteg
Cia Yexus kav tagnrho kuv lub siab
Lub cev uas tau yug dua tshiab.

Nrog Nws mus, nrog Nws mus
Nws yog tus pab peb
Tsistxhob tso Nws tseg
Cia Nws mus uantej
Mloog Nws Txojlus ua raws Nws siabnyiam
Thiab cia Nws kav kuv lub siab.

Kuv thov tus Tswv Yexus qhia
Kuv paub pab kom kuv totaub
Txawj ua Vajtswv tsaug
Thiab ua rau Tswv Yexus tau ntsejmuag
Niajhnuv ua tus muab siabnpuab.

Kuv thov tus Tswv Yexus ntua
Thiab qhia kom kuv paub lub ntsiab
Khaws cia hauv nruabsiab
Pab kuv cimntsoov Vajtswv txoj Moo Zoo
Kuv thiaj tau Nws txoj Koobhmoov.

Kuv thov tus Tswv Yexus qhia
Kuv thov kom kuv rau siabntso
Thiab ua siab ntev tos
Kuv yuav thov tag kuv lub siab lub ntsws
Muab txhua yam tso rau tus Tswv.

196. TXAV MUS NYOB ZE VAJTSWV

Txav mus nyob ze Vajtswv
Kuv muaj kev ntseeg
Thaum kuv vamkhom Vajtswv
Kuv yuav kovyeej.

Txhua caijnyoog txhuahhub txhuahmo
Vajtswv thov nrog kuv nyob
Tswv Yexus thov tuaj kuv tog
Thov nrog kuv nyob.

Yeebncuab hauv kev tsausntuj
Xovvaj vij kuv
Vajtswv thov mloog kuv hu
Thov koj pab kuv.

Tseem muaj cuadaj cuadlub
Ua rau kuv ntshai
Nagxob nagcua ntaus kuv
Thov Koj tivthaiv.

Yeebncuab muab kuv tsimtxom
Txov kuv txojsia
Vajtswv thov nrog kuv nyob
Cawm kuv txojsia.

“1 Tug TSWV, koj yuav tsis ncoqab kuv mus txog hnub twg? Mus ibtxhis li los? Koj tseem yuav tsiv kuv mus txog thaustwg? 2 Kuv tseem yuav tiv kev tsimtxom mus txog hnub twg? Kuv lub siab yuav quajntsuag nruabhnub thiab hmontuj mus txog hnub twg? Kuv cov yeebncuab tseem yuav kovyeej kuv mus txog hnub twg thiab? 3 Tus Tswv uas yog kuv tus Vajtswv, thov koj tsa qhovmuag saib kuv thiab teb kuv tej los thov. Thov pab txhawb kuv tug zog thiab tsistxob cia kuv tuag.” Ntawvnkauj 13:1-3 (PTT)

229. KUV TUG KWVLUAG YOG TSWV YEXUS

Kuv tug kwvluag yog Tswv Yexus
Nws tsis tso kuv tseg ibtxhis
Leejtwg hhub kuv npaum li Yexus?
Tsis muaj ibtug hhub li Nws
Nws tso kuv dim dab li xibtes
Los nyob hauv Nws lub xubntiag
Kuv yuav muab siab rau ntseeg Yexus
Leejtwg yuav ua kom kuv ntshai?

Tej kev txomnyem hauv ntiajteb no
Txawj ua kom kuv lub siab ntxhov
Kuv raug kev txhawjxeeb ualuaj no
Leejtwg yuav hais kuv iblos?
Kuv yuav nrhiav ibtug ua kwvluag
Nrhiav hauv ntiajteb ntshai tsis muaj
Yexus tibleeg yuav pab kuv dim
Kuv thiaj tau txojsia ibtxhis.

Tej kev txhawjxeeb tej kev quajntsuaq
Pheej ua kom kuv ntshai ualuaj
Kuv muab txhua yam tso rau Yexus
Ciasiac ntsoov Nws yuav pab kuv
Kuv yuav qhia tej uas kuv ntxhovsiab
Kuv tsis xav khaws tej no cia
Muab tagnrho rau Yexus saibxyuas
Najhnub nyob kuv tso siab plhuav.

“13 Tug uas muaj kev hhub loj tshajplaws, yog tus uas zoosiab tuag theej nws cov phoojywng. 14 Yog nej ua rawsli kuv hais, nej thiaj yog kuv cov phoojywng. 15 Nimno kuv tsis hu nej ua tubtxib lawm, rauqhov tus tubtxib tsis paub xyov nws tus tswv ua dabtsi. Tabsis kuv hu nej ua phoojywng, rauqhov kuv twb qhia txhua yam uas kuv Txiv qhia rau kuv rau nej lawm.” Yauhas 15:13-15 (PTT)

231. NIMNO KUV LOS NTSEEG YEXUS

Nimnov kuv los ntseeg Yexus
Kuv yuav nrog Nws mus txhuahnub
Taug kev zoo los taug kev phem
Kuv yuav tsis tso Yexus povtseg

Muaj txojsia nyob ntev pestsawg
Thaum tauzoo los nyuajsiab kawg
Vajtsvv pab tag kuv simneej
Tug Tswv Yexus yog tug Cawmseej.

Muaj qeehnub tibneeg cem kuv
Muaj qeehnub nyob kajsiab lug
Txawm yog licas los puamchawj
Kuv paub Yexus tseem hlub kuv kawg.

Kuv tsis ntshai kevploj kevtuag
Kuv lub neej Yesus saibxyuas
Yesus nrog kuv nyob uake
Nws nrognraim kuv tuavrawv kuv tes.

238. TSWV YEXUS YOG TXHUAYAM RAU KUV

Tswv Yesus yog txhuayam rau kuv
Nws yog tus uas cawm kuv txojsia
Nws muab lub siabtshiab pub rau kuv
Nws yog tus nplig kuv lub siab

Thaum kuv nyuajsiab kuv mus cuag Nws
Vim tsis muaj leejtwg yuav totaub kuv
Kuv los kuamuag Nws so tagnrho
Nws yog kuv tus kwvluag.

Tswv Yexus yog txhuayam rau kuv
Nws pab kuv thaum kuv raug txomnyem
Nws pub tshavntuj losnag rau kuv
Nws najhnub nrog kuv uake.

Tswv Yexus yog txhuayam rau kuv
Txawmyog kuv tsis muaj phooj muaj ywg
Tabsis Nws tseem najhnub hlub kuv
Vim Nws yog kuv tus phoojywg.

239. YEXUS LOS UA KUV TUG PHOOJYWG

Yexus los ua kuv tus phoojywg
Nws los pab kom kuv dimtxim
Kuv yog tibneeg uas tsis tsimtxiaj
Nws los cawm kuv tus ntsujplig.

Haleluyas kuv tus Cawmseej
Nws los ua kuv tus phoojywg
Nws los pab kom kuv dim lub txim
Nws coj kuv mus cuag Vajtswv.

Yexus txhawb kuv lub dag lub zog
Nws nyob ze tuavrawv kuv tes
Kuv najhnub raug txoj kev ntxeevntxias
Nws tsomkwu tsis pub yuamkev.

Yexus yog kuv tus Tswv yug zoo
Nws puag kuv hauv Nws xubntiag
Kuv yuav noj Nws tej zaub tej mov
Thiaj yuav cawm tau kuv txojsia.

Yexus daws kuv lub txim povtseg
Nws qhia kom kuv yug dua tshiab
Kuv khaws Nws tej Lus Qhia los coj
Kuv nrog Nws koom ib txojsia.

242. PEB NROG YEXUS MUS KEV

Peb nrog Yexus mus kev
Vamkhom Nws tuav peb tes
Kev tsausntuj huysi hloov ua tshavntuj
Nrog Nws mus tsis xob thim
Nws nrog peb nyob ibsim
Thiab nrog sawvdaws uas ntseeg thiab nooglug.

Ntseeg thiab mlooglus, tsis muaj dua lwm txojkev
Yuav zoosiab cuag Yexus txoj
Yuavtsum ntseeg thiab nooglug.

Yog muaj duab tuaj ntxoov roog
Yog muaj t xo jkev tsis zoo
Los Yexus yuav nrognraim peb txhuatus
T xo j kevploj t xo j kevtuag
Kev txhawjxeeb kev quajnts uag
Peb tsis ntshai yog peb ntseeg thiab mlooglus.

Thaum peb qhia Vajtsvv Lus
Yog peb ntsib luagtej ntxub
Peb twb paub luag yeej xub ntxub Yexus
Yog peb raug luag thuam thiab
Yog peb najhnub nyuajs iab
Yuavtsum muab siab rau ntseeg thiab mlooglus.

Yog peb khuvxim kev phem
Pheej tsis xav muab tsotseg
Yuav tsis muaj kev tauzoo kajsiab lug
Muab kev phem tso povtseg
Cia Yexus coj peb kev
Nws yuav pab yog peb ntseeg thiab nooglug.

Peb mloog Yexus lus qhia
Xyaum ua haum Vajtsvv siab
Peb txhuatus thiaj li yuav txawj sishlub
Lub nra sib lub nra hnyav
Los peb yeejyuav sibpab
Peb yuavtsum rau siab ntseeg thiab mlooglus.

248. YEXUS COJ KUV MUS QHOVTWG

Yexus coj kuv mus qhovtwg kuv raws Nws qab
Coj kuv mus txoj kev ncetoj los kev nqishav
Txawmyog txoj kev uas kuv mus ntawd yog kev nqaim
Yexus coj kuv mus qhovtwg los kuv tsis ntshai.

Mus qhovtwg, mus qhovtwg!
Kuv tsis ntshai kevtuag
Yexus coj kuv mus qhovtwg
Kuv tsosiab plhuav.

Yexus coj kuv mus qhovtwg uas tsausntuj nti
Coj mus raug txoj kev txomnyem los kev kajnrig
Dab Ntxwjnyoog pheej ntxias Kuv kom kuv thim rovqab
Yexus coj kuv mus qhovtwg Nws tawmtsam Dab

Yexus coj kuv mus qhovtwg Nws tsomkwm kuv
Mus nrog cov ntseeg nyob uake kawm Vajtsvv Lus
Lossis txib kuv mus nrhiav cov tsis tso Dab tseg
Yexus coj kuv mus qhovtwg Nws tuav kuv tes.

“7 Kuv ua tus Tswv tsaug, rau qhov nws coj kuv txoj hauv kev, thiab montuj los kuv lub siab pheej ntuaq kuv tsistseg. 8 Kuv yeej ncontsoov hais tias, tus Tswv nrognaaim kuv; yeej tsis muaj ib yam ua rau kuv ntshai, rau qhov nws nyob ze kuv.” Ntawvnkauj 16:7-8 (PTT)

259. YEXUS COJ KUV MUS KEV

Yexus coj kuv mus kev tshavntuj
Kuv paub lino kuv siab tiajitus
Kuv mus qhovtwg ua dabtsi los
Tswv Yexus coj kuv mus tiag-tiag.

Nws coj kuv mus, Nws coj kuv mus
Nws tuav kuv tes coj kuv muskev
Kuv vamkhom Nws kuv nrog Nws mus
Kuv nrog Tswv Yexus mus uake.

Tej zaum kuv muaj txoj kev zoosiab
Tej zaum kuv raug kev txomnyem thiab
Tsis ntshai kuv paub muaj ibtug hlub
Kuv paub Tswv Yexus tseem coj kuv.

Uatsaug Yexus Koj tuav kuv tes
Thov tuav zoo-zoo coj kuv muskev
Lub siab lub ntsws thiab tus ntsujplig
Kuv pub rau Koj raws Koj ibtxhis.

Txog thaum sijhawm kuv txojsia tu
Lub caij mus saum ntuj los txog kuv
Thov pub kuv muaj siabtawv siabtuab
Thov tuav kuv tes hla dhau kevtuag.

"1 Tus Tswv yog tus tsomkwm kuv, kuv muaj txhua yam txaus, 2 nws cia kuv so hauv lub tshav uas muaj zaub mognyoos ntsuab xiab thiab nws coj kuv mus rau ntawm lub pas dejntshiab uas nyob ntsiagto. 3 Nws txhawb kuv tus zog. Nws coj kuv taug t xo jkev ncajnceeg rawsli nws coglus tseg. 4 Tus Tswv, txawm yog kuv taug t xo jkev uas tsausntuj nti los kuv tsis ntshai dabtsi, rauqhov koj nrog nraim kuv. Koj tus pas thiab tus cwjnres tsomkwm kuv. 5 Koj npaj rooj noj rooj haus rau kuv, tabmeeg kuv cov yeebncuab; koj tostxais kuv ibyam li tuq qhua uas koj saib hlob, thiab koj laub rau kuv lub khob puv npluamias. 6 Kuv paub hais tias koj yog tus zoo tshajplaws thiab hlub kuv mus tias kuv tiamneej, thiab kuv yuav nyob hauv kuv tus Tswv lub tsev mus tias kuv lub neej." Ntawvnkauj 23 (PTT)

262. TSWV YEXUS YOG TUS YUG ZOO

Tswv Yexus yog tus Tswv Yug Zoo
Nws saib thiab yug Nws pab yaj
Nws taugkev mus ua cov yaj ntej
Ces cov yaj sawv raws Nws qab
Cawmseej Yexus, Cawmseej Yexus
Peb txhuatus yog Koj cov yaj
Cawmseej Yexus, Cawmseej Yexus
Koj uantej peb yuav rawsqab.

Peb yog cov uas ntseeg koj lub npe
Peb niajhnub taug Koj txoj kev
Yog leejtwg yuamkev poobzoo lawm
Thov Koj coj nws rovlos tsev
Cawmseej Yexus, Cawmseej Yexus
Peb yuav nyob hauv Koj xubntiag
Cawmseej Yexus, Cawmseej Yexus
Peb yuav khaws Koj Txojlus Qhia.

Txhuatug yaj uas txav los cuag Koj
Koj yuav tsistso nws povtseg
Peb twb yuamkev ua txhaum ntau zaug
Tabsis Koj tseem tuav peb tes
Cawmseej Yexus, Cawmseej Yexus
Peb leeg kev txhaum huv tibsi
Cawmseej Yexus, Cawmseej Yexus
Thov ua siabntev zam peb txim.

Txhuatus yaj uas nyiam mloog Koj lus
Yuav ua lub neej uas kajsiab
Txij no mus peb yuav tso siabqub
Ua lub neej txais yuav siabtshiab
Cawmseej Yexus, Cawmseej Yexus
Koj yog peb tus Tswv Yug Zoo
Cawmseej Yexus, Cawmseej Yexus
Peb tau txais Koj txoj koobhmoov.

288. THAUM KUV LUB SIAB RAUG KEV TXHAWJ

Thaum kuv lub siab raug txoj kev txhawjxeeb
Mas kuv tsis muaj kev thajyeeb
Thaum kuv raug ceeblaj kuv lub siab tsis kaj
Tswv Yexus, Koj puas ncotxog kuv?

Yexus ncontsoov, Yexus ncontsoov
Thaum kuv txhawj Yexus ncontsoov
Txawmyog ntsib kev tsausntuj los kuv
Yeej tsis poobsiab Yexus ncontsoov kuv.

Thaum kev txomnyem los quabyuam caijtsuj
Kev ntshai ua limhiam rau kuv
Kuv lub neej tsausnti cuagli hnub tsis ci
Tswv Yexus, Koj puas ncotxog kuv?

Thaum kev ntxeevntxag los sim kuv lub siab
Kom kuv mus ua phem ua qias
Thaum kuv lub neej qaung thiab kuv sawv tsis taug
Tswv Yexus, Koj puas ncotxog kuv?

Thaum kuv tsevneeg muab kuv tso povtseg
Ua rau kuv lub siab hlairhe
Tsis muaj chaw vamkhom tsis xav ua neej nyob
Tswv Yexus, Koj puas ncotxog kuv?

"Vajtswv yeej ncontsoov txhua tus uas tiv kev txomnyem; nws ncontsoov lawv tej suab quaj, thiab nws rautxim rau cov tibneeg uas tsimtxom lawv."
Ntawvnkauj 9:12 (PTT)

289. IBHNUB TXOJSIA YUAV NCAIM LUB CEV

Ibhnuub txojsia yuav ncaim lub cev
Kuv yuav tsoplhuav lub ntiajteb tseg
Kuv yuav mus txog saum Ceebtsheej ntuj
Yuav tau mus ntsib tus Tswv Yexus.

Kuv yeejyuav ntsib thiab pom Nws tiag
Tug Tswv Yesus uas pab kuv dim
Kuv yeejyuav ntsib thiab pom Nws tiag
Tug Tswv Yesus uas pab kuv dim.

Ibhnuub peb yuav tso ntiajteb tseg
Yuav mus nyob hauv Vajtswv lub tsev
Tswv Yesus twb mus ua peb ntej
Mus npaj qhov chaw tseg cia tos peb.

Ibhnuub kuv yuav pom Tswv Yesus
Los txheeb cov ntseeg ibtug zujzus
Yog kuv muab siab rau ntseeg Nws tiag
Kuv yuav mus txog Nws lub xubntiag.

Kuv coj kev ncaj kev nceeg txhuahnub
Kuv ua siabntev ntseeg thiab mloog Nws lus
Thaum Vaj Leejtxiv qhib qhovrooj ntug
Kuv yuav mus ntsib tus Tswv Yesus.

“Tabsis yuav tsis muaj tej kev phem kev qias, tej kev poob ntsejmuag lossis tej tibneeg dag nyob hauv lub nroog ntawd li, luag tsuas pub cov tibneeg uas twb muaj npe sau cia rau hauv tus Menyuam Yaj phau ntawv uas sau cov tibneeg uas muajsia ntev mus ibtxhis lawm tej npe mus nyob hauv lub nroog ntawd xwb.” Tshwmsim 21:27 (PTT)

290. KUV CASAB HAB LUG NTSEEG YEXUS

Kuv ciasiab thiab los ntseeg Yexus
Yaav tomntej yuav mus saum ntuj
Muab lub neej hauv ntiajteb tsoplhuav
Pum Yexus timntsej timmuag.

Muaj ibnub kuv yeejyuav pom Nws
Saibntsoov Nws kuv yuav tsis dlhuav
Najnub nua tsuas pom zemzuag xwb
Kuv yuav pom timntsej timmuag.

Kuv ua neej nyob hauv lub ntiajteb
Nyob ibntus yuav rov mus tsev
Kuv yuav mus nrog Yesus nyob ntev
Ibtxhis mus tsis paub txomnyem.

Sau Ceebtsheej tsis muaj kev quajntsug
Thiab tsis muaj kevpluj kevtuag
Kev tshaib kev nqhes yeej tsis muaj kag
Txhua yam Yesus tub npaaj cia.

Kuv mus nyob ntawm Yesus xubntiag
Cov ntseeg pe Yesus nplawgnta
Nrog Tswv Yesus nyob Ceebtsheej ntuj
Ibtxhab ibtxhis kajsiaj los.

"Nws yuav so lawv tej kuamuag huv tuabsi mus. Tej kev tuag, kev ntxhovsiab, kev quajntsug thiab kev mob kev nkeeg yuav tsis muaj ibzaug li lawm. Tej uas sawvdaws ibtxwm muaj los twb ploj tag lawm." Tshwmsim 21:4 (PTT)

"He will wipe away every tear from their eyes, and death will not exist any more—or mourning, or crying, or pain, for the former things have ceased to exist." Rev 21:4 [NET21Free]

29I. HNUB UAS KUV YUAV NCAIM

Hnub uas kuv yuav ncaim lub ntiajteb
Mas kuv yuav muab txhua yam tsotseg
Muaj siab xyivfab muaj siab tiajtug
Nrog Yexus nyob lub tsev saum ntuj.

Mas kuv yuav tabmeeg pom Nws thiab
Yuav qhuas tias Yexus tso kuv dim
Mas kuv yuav tabmeeg pom Nws thiab
Yuav qhuas tias Yexus tso kuv dim.

Cevnqaij ciabntab cov txha plhaubmag
Yuav raug puastsuaj ntxeev mus ua av
Tabsis tus ntsuj yuav yuj lisplaws
Ya mus rau sau Vajtsww tebchaws.

Mus txog Ceebtsheej mas kuv yuav muaj
Cevnqaij daimtawv uas tsis puastsuaj
Kev txhawj kev ntshai yuav tsis muaj ntxiv
Yuav nyob kajsiab lug mus ibtxhis.

"44 Lub cev uas luag muab log, yog lub uas muaj roj muaj ntshav, tabsis thaum Vajtsww tsa sawv hauv qhov tuag rovqab los lawm, tus ntawd muaj lub cev tshiab. Yog tub muaj lub cev qub lawm yeejyuav muaj lub cev tshiab... 46 Vajtsww xub pub tibneeg muaj lub cev uas muaj roj muaj ntshav, tomqab ntawd Nws mam li pub tibneeg muaj lub cev tshiab... 48 Tibneeg ntiajteb zoo ibyam li tug uas Vajtsww muab av los puab, tabsis tibneeg qaum ntuj zoo ibyam li tug uas los saum ntuj los. 49 Peb twb muaj tus yamntxwv zooli tug uas Vajtsww muab av los lawv; yog lintawd peb yeejyuav muaj tug yamntxwv zooli tug uas los saum ntuj los thiab." 1 Kauleethaus 15:44, 46, 48-49 (PTT)

292. THAUM SAWVDAWS UA NEEJ NYOB

Thaum sawvdaws ua neej nyob ntiajteb
Nyias yuavtsum xaiv nyias kev
Muaj ib txoj nqaim muaj ib txoj dav
Saib nej yuav xaiv licas.

Yuav mus txoj twg, yuav mus txoj twg
Yuavtsum xaiv nimno
Nyias mus nyias txoj, mus tsis rovlos
Yuavtsum xaiv nimno.

Thov nej sawvdaws tig qhovntsej mloog
Mej thiaj paub xaiv txoj zoo
Taug txoj kev nqaim tau kaisiab lug
Lwmsim mus nyob saum ntuj.

Thaum taug kev nqaim txawm nyuaj pestsawg
Ua ibsiab mus kom kawg
Vajtsawv yuav tuavrawv peb txhaistes
Yuav najhnub coj peb kev.

Thaum uas tag simneej hauv ntiajteb
Peb yuav rovqab mus tsev
Yog peb ciasiac rau tus Cawmseej
Peb yuav mus txog Ceetshieej.

Txoj kev nqaim yog tus Tswv Yexus
Kev dav yog kev tsausntuj
Txawm muaj coobleej taug txoj kev dav
Nej cov tsis txhob rawsqab.

Yog nej yeejyuav taug txoj kev dav
Thov nej sawvdaws ceefaj
Kev dav mus txog lub chaw tsausnti
Txomnyem ntevdhawv ibtxhis.

293. KUV YUAV MUS SAUM NTUJKAG

Kuv yuav mus saum ntujkag tiag-tiag
Kuv yuav mus saum ntuj tiag
Yexus hlub kuv theej kuv lub txhoj
Coj kuv mus nrog Nws nyob.

Tswv Yexus yeej yog txoj kev Tseeb
Coj peb mus txog Ceebtsheej
Txhuatug uas vamkhom tus Cawmseej
Yuav mus txog ntuj Ceebtsheej.

Tsis muaj dua ib txoj kev qhovtwg
Kws yuav mus txog Vajtswv
Tabsis tus uas ntseeg Tswv Yexus
Tus ntawd mus txog saum ntuj.

Kuv yuav mus saum ntujkag tiag-tiag
Kuv yuav mus saum ntuj tiag
Leejtwg xav nrog kuv mus saum ntuj
Nrog kuv ntseeg Tswv Yexus.

"1 Yexus hais rau nws cov thwjtim hais tias, "Nej tsistxhob txhawj thiab tsistxhob nyuajsiab, nej ciali ntseeg Vajtswv thiab ntseeg kuv. 2 Hauv kuv Txiv lub tsev muaj ntawd thiab kuv tabtom yuav mus tu chaw rau nej. Yog tsis muaj lintawd, kuv yeejyuav tsis qhia linuav rau nej. 3 Thaum uas kuv tu tau chaw rau nej lawm, kuv yuav rovqab los thiab tos nej mus nrog kuv nyob, kuv nyob qhov twg nej yeejyuav nrog kuv nyob qhov ntawd." Yauhas 14:1-3 (PTT)

382. VAJTSWV LUB CEEBTSHEEJ

Vajtswv lub Ceebtsheej Ntuj
Yeejyog lub chaw zoo kawg
Qhov txhaum thiab qhov qias
Qhov txhaum thiab qhov qias
Mus tsis tau lub chaw ntawd.

Tus Cawmseej Tswv Yexus
Thov Koj pab kom kuv dim
Tshem kuv qhov txhaum mus
Tshem kuv qhov txhaum mus
Thov Koj zam kuv lub txim.

Tswv Yexus txij no mus
Kuv yuav taug Koj txoj kev
Thov Koj tuav kuv tes
Thov Koj tuav kuv tes
Kom kuv tsistxhob yuamkev.

Lwmhnub tus Tswv Yexus
Coj kuv mus nyob saum ntuj
Nyob hauv Nws xubntiag
Nyob hauv Nws xubntiag
Kuv yuav nyob kajsiab lug.

“25 LUB NROOG NTAWD TEJ ROOJVAG QHIBLUG CIA TSIS KAW LI,
RAU QHOV NYOB HAUV LUB NROOG NTAWD YEEJ TSIS TXAWJ
TSAUSNTUJ. 26 TXHUA HAIV TIBNEEG YUAV COJ LAWV TEJ
HWJCHIM THIAB LAWV TEJ MEEJMOM TUAJ RAU HAUV LUB
NROOG. 27 TABSIS YUAV TSIS MUAJ TEJ KEV PHEM KEV QIAS, TEJ
KEV POOB NTSEJMUAG LOSSIS TEJ TIBNEEG DAG NYOB HAUV LUB
NROOG NTAWD LI, LUAG TSUAS PUB COV TIBNEEG UAS TWB MUAJ
NPE SAU CIA RAU HAUV TUS MIVNYUAS YAAJ PHAU NTAWV UAS
SAU COV TIBNEEG UAS MUAJSIDA NTEV MUS IBTXHIS LAWV TEJ
NPE MUS NYOB HAUV LUB NROOG NTAWD XWB. TSHWMSIM
21:25-27 (PTT)

383. TSHUAV CEEBTSHEEJ NTUJ TAUZOO

Tshuav Ceebtsheej Ntuj tauzoo nyob tuaj tomntej
Cov uas nyob Ceebtsheej Nroog tsis raug txomnyem
Lawv hunkauj suab nrov ntxhe yog lub suab uas nrov lomzem
Lawv qhuas Vajtsvv kawgnkaus thiab ua Nws tsaug.

Los nyob hauv qhov pomkev los ntseeg Yexus
Tswv Yexus yog Txoj Kev mus Ceebtsheej Ntuj
Tswv Yexus yog Qhov Tseeb cawm tibneeg ntajteb txhua leej
Tswv Yexus yog Txojsia rau tus ntseeg tiag.

Tswv Yexus coglus tseg rau tus uas ntseeg
Nws mus ua vaj ua tsev cia saum Ceebtsheej
Nws yuav nqis rovlos coj cov uas ntseeg mus nrog Nws nyob
Cov ntseeg yuav nrog Yexus nyob Ceebtsheej Ntuj.

Lub nroog uas tsis txawj qub tsis txawj puasntsoog
Yog lub nroog Ceebtsheej Ntuj qhov chaw tauzoo
Lub nroog nyob ruaj nyob khov tsis txawj puas thiab tsis txawj pob
Nroog Yeluxalees tshiab mas ci ntsa-iab.

"1 Tus timtsw ceebtsheej uas qhia tus dej cawmsiav uas ci pomkev tshabplaws li daim iav rau kuv. Tus dej ntawd ntws saum Vajtsvv thiab tus Menyuam Yaj lub zwmtxw los, 2 thiab ntws taug txojkev hauv plaww nroog. Ob sab ntug dej puavleej muaj tsob txiv ntoo cawmsiav uas ib xyoos twg txi kaum-ob phaumtxiv, ib hlis twg txi ib phaum Tsob ntoo ntawd tej nplooj yog hauv tshuaj kuab muajtsuas uas khotau txhua haiv tibneeg. 3 Yeej tsis muaj tej uas Vajtsvv foom tsis zoo rau lawm nyob hauv lub nroog ntawd hldi. Vajtsvv thiab tus Menyuam Yaj lub zwmtxw yuav nyob hauv lub nroog ntawd, thiab nws cov tubtxib yuav pehawm nws. 4 Law yuav pom nws lub ntsejmuag, thiab nws yuav sau nws lub npe rau ntawm law hauvplaij. 5 Yuav tsis muaj hmontuj li lawm law yuav tsis tawsteeb thiab tsis tas yuav muaj tshawntuj, rauqhov tus Tswv uas yog Vajtsvv yuav ci rau law pomkev, thiab law yuav ua vajntxw kav lub nroog ntawd mus ibtxhis li." Tshwmsim221-5 (PT)

384. NYOB CEEBTSHEEJ ZOO DUANTAIS

Nyob Ceebtsheej zoo duantais ntajteb no
Yog peb muab siab rau ntseeg peb yuav pom
Peb tus Tswv Yexus twb mus uantej
Ua lub tsev rau peb nyob zoo kawgnkaus.

Tshuav tsis ntev Tswv Yexus
Coj peb mus nyob Ceebtsheej thiaj tsis khwv
Tshuav tsis ntev Tswv Yexus
Coj peb mus nyob Ceebtsheej thiaj tsis khwv.

Nyob Ceebtsheej cov uas ntseeg nyob uake
Sawvdaws yuav qhuas tus Cawmseej Yexus
Peb tub dim kev nyuarsiab kev txomnyem
Tsis muaj ib nyuag qhov txhawj ibtxhis mus

Peb yuav nco Vajtsvv tshavntuj ibtxhis
Nws tso Yexus ua peb tus Cawmseej
Nws yeej muaj lub siabdawb lub siabzoo
Nws pab peb tau kev zoo ibsim neej.

“Yesus hais tias, “Nej ua tibzoo mloog kuv tej lus! Kuv twb yuav los sai-sai no! Tus uas ua rawsli tej lus uas sau rau hauv phau ntauv no yog tus uas tau nyob kaksiab lug!”
Tshwmsim 22:7 (PTT)

385. AU, VAJTSWV YEXUS, YOG KUV TUAJTIS

Au, Vajtswv Yexus, yog kuv tuajtis li noog
Ntshai kuv yuav xav ya
Mus txog ntua saum Ceebtsheej nroog
Qhov ntawd tsis muaj kev
Txomnyem thiab kev tshaibnqhis
Tsuas muaj kev zoosiaab
Ntevdawv mus ibtxhis li.

Vajtswv, thov coj kuv
Au, Vajtswv thov coj kuv
Coj kuv mus nrog Koj nyob
Coj kuv mus nrog Koj nyob.

Yus vam yug tus zog
Mus tsis txog Ntuj Ceebtsheej
Yuav tau vam Yexus
Tus uas yog yug tus Cawmseej
Yus nyob hauv ntiajteb
Yus tsuas nyob ibntus xwb
Thaum dhau lub ntiajteb
Yus yuav mus ntsib Vajtswv.

Thaustwg Tswv Yexus
Koj mam nqis rovlos dua
Los pab kom kuv dim
Kev txomnyem thiab kev quajntsuaag
Kuv tsaug tsis muajzog
Thov Koj los pab txhawb kuv
Kuv ciasiab ntsoov tias
Tswv Yexus yuav pab kuv.

386. YEXUS MUS TU CHAW TSEG

Yexus mus tu chaw tseg
Cia puag saum ntuj Ceebtsheej
Nws Phoo Ntawv qhia hais tias
Nws yuav los tog cov ntseeg
Peb ciasiac tshuav tsis ntev
Peb yuav nrog Yexus nyob
Yexus yuav rovlos dua
Cia peb ua siabntev tos.

Yexus qhia tseg hais tias
Kuv lub tsev muaj ntau chav
Zoonkauj kawg txaussiab kawg
Kuv lub tsev yeej zoo tshaj
Tsis muaj tibneeg muaj mob
Tsis muaj tibneeg muaj nkeeg
Tsis muaj quaj tsis muaj pluag
Tsuas nyob qhuas tus Cawmseej.

Tej txoj kev saum Ceebtsheej
Luag muab kub coj los pua
Tej lub tsev nyob khovkho
Tsis muaj iblub puastsuaj
Tsis muaj leejtwg tawsteeb
Tswv Yexus ci ntsa-lab
Cov tibneeg uas mus nyob
Yog cov uas tau txojsia.

"6 Thaum txog lub sijhawm ntawd, yuav tsis muaj ntujno thiab dejnkoog, 7 lossis tsis muaj kev tsausntuj. Txawm yog hmontuj los yuav hloov ua nrubhnub pomkev kajnrig. Tsuas yog tus Tswv tibleeg xwb thiaj paub hais tias, thaum twg lub sijhawm no mamli los txog. 8 Thaum txog hnub ntawd, yuav muaj ib tug dej txhaww hauv lub nroog Yeluxalees los, ib ceg yuav ntws mus rau nram Hiavtxwv Tuag thiab ib ceg yuav ntws mus rau tom Hiavtxwv Meditelanees. Tus dej ntawd yuav ntws thawsniaj thawsxyoo, tsis hais lub caij ntujqhua lossis lub caij ntujnag." Xekhaliyas 14:6-9

387. VAJTSWV QHA NWS TXOJLUS

Vajtswv qhia Nws Txojlus
Rua peb sawvdaws txhuatus
Mus nrog Vajtswv nyob saum Ceebtsheej Ntuj
Tsis muaj hnub tsis muaj hli
Tsis tas yuav tawsteeb ci
Yexus ua rau peb pomkev kajnrig.

Nrog Tswv Yexus nyob Ceebtsheej Ntuj
Txhuatug muaj kev tauzoo kajsiab lug
Tsis muaj kev quaj tsis muaj kevtuag
Tsis txawj laus peb yuav nyob tsosiab plhuav.

Vajtswv qhia hauv Phau Ntawv
Qhov txhua chaw zoonkauj kawg
Luag muab kub los pua tej kev hauv plawv
Huv lub nroog luag qhib kiag
Tej qhov rooj cuablug cia
Tsis muaj ibnyuag qhov phem lossis qias.

Vajtswv qhia rau peb paub
Tsis muaj txias tsis muaj tsaus
Thiab tsis muaj ibtug uas yuav txawj laus
Nrog kwvtij nyob uake
Huv Vajtswv Ntuj lub tsev
Yuav tsis muaj leejtwg raug kev txomnyem.

“22 Kuv tsis pom muaj ib lub tuamtsev nyob hauv lub nroog ntawd li, rauqhov tus Tswv uas yog Vajtswv tug uas muaj Fwjchim Loj kawgnkaus thiab tus Mevnyuam Yaj yog lub tuamtsev ntag. 23 Hauv lub nroog ntawd tsis muaj hnub lossis hli ci, rauqhov Vajtswv tus tshwjchim yeej ci ntsa-iab tuaj rau hauv, thiab tus Menyuam Yaj yog lub teeb uas ci rau sawvdaws pomkev. 24 Txhua haiv tibneeg yuav pomkev kajnrig mus-mus los-los, thiab tej vajntxwv uas nyob hauv ntiajteb yuav nqa lawv tej nyiaj tej kub thiab tej qhov txhiachaw tuaj rau hauv lub nroog. Tshwmsim 21:22-24

388. MUAJ IBHNUB COV KWS NTSEEG YEXUS

Muaj ibhnub cov uas ntseeg Yexus
Yuav tibtxhij mus saum ntuj
Nyob ntawm Yexus xubntiag
Thiab hunkauj qhuas hais tias.

Vajtsvw hlub peb, Nws thiaj txhiv
Kom peb dim peb lub txim
Peb yuav najhnub ua
Tswv Yexus tsaug mus ibtxhis.

Cov uas yuav tau mus nyob Ceebtsheej
Yog cov muaj siab rau ntseeg
Lawv tub hloov dua siabtshiab
Thiab hunkauj qhuas hais tias.

Mej cov uas nyob hauv kev tsausntuj
Tsis tau ntseeg Tswv Yexus
Ciali los ntseeg Nws kiag
Thiab hunkauj qhuas hais tias.

Yog tias hnubno nej txiatxim siab
Thiab los txais yuav txojsia
Mej thiab peb yuav zoosiab
Thiab hunkauj qhuas hais tias.

"Nej ciali ua tibzoo mloog, kuv yuav qhia zaj uas nej tsis tau hnov dua rau nej mloog; peb txhua tus yuav tsis tuag huv tibsi, tabsis thaum tshuab raj tshuab xyu zaum kawg, tib ntsaismuag xwb peb yuav hloov dua lub cev tshiab. Rauqhov thaum tshuab raj tshuab xyu, cov uas tuag lawm yuav sawv hauv qhov tuag rovqab los, thiab peb sawvdaws yuav hloov dua lub cev tshiab uas tsis txawj tuag li lawm." 1 Kauleethaus 15:52 (PTT)

389. HUNKAUJ TXHAWBNQA TUS TSWV YEXUS

Hunkauj txhawbnqa tus Tswv Yexus
Tus Tswv uas hlub peb noobneej
Los ua kev rau peb mus saum ntuj
Npaj chaw rau peb nyob Ceebtsheej.

Thaum peb mus txog ntuj Ceebtsheej
Peb lub neej yuav tsis muaj kev txob kev txhawj
Peb yuav qhuas tus Cawmseej
Hai tias Nws tau pab peb dim lawm.

Lub neej ua qhua nyob hauv ntiajteb
Tsausntuj qasnti li tsausfuab
Xav txog Ceebtsheej zooli nyob deb
Xyov hnub twg mam mus txog ntua.

Peb yuavtsum tau muab siab rau ntseeg
Npaj kom txhij nrog Vajtswv nyob
Xyaum ua lub neej taug kev ncajnceeg
Mus nyob Ceebtsheej thiaj tsimnyog.

Muaj ibhnuq qhovrais ntuj yuav qhib
Peb yuav pom lub nroog Dawbhuv
Yuav zoosiab tsis pomqab piav li
Thaum mus txog sau ceebtsheej ntuj.

"Lawv hu nkauj hais tias: "Tus Menyuam Yaj uas tibneeg muab tua lawm, koj yog tus muaj hwjchim thiab yog tus uas npluanuj, yog tus uas muaj tswvyim thiab muajzog. Tsimnyog peb hwm koj, thiab ua rau koj tau koobmeej!" 13 Kuv hnov ib puas tsavyam uas muajsia, tsis hais tej uas nyob saum ntuj, nyob hauv ntiajteb no, nyob hauv nruab tivtxwv thiab nyob hauv hiavtxwv hu nkauj hais tias: "Peb sawvdaws yuavtsum hwm, yuavtsum qhuas, yuavtsum pehawm thiab ua rau tus uas nyob saum lub zwmtxwv thiab tus Menyuam Yaj tau koobmeej mus ibtxhis li." Tshwmsim 5:12 (PTT)

390. VAJTSWV LUB TEBCHAWS

Vajtswv lub tebchaws ci ntsa-iab
tsis siv lub hnub lub hli
Vajtswv tshwjchim ci dawb ci tshiab
Txhuatus pomkev kajnrig
Txhuatus pomkev kajnrig.

Tsis muaj ib yam nyob hauv ntiajteb
Yuav piv tau ntuj Ceebtsheej
Ntiajteb muaj kev uatauj uaqhev
Ceebtsheej muaj kev thajyeeb
Ceebtsheej muaj kev thajyeeb.

Tsis tsimnyog kuv tau ntuj Ceebtsheej
Coj los ua kuv ntiagtug
Tabsis twbyog kuv tus Cawmseej
Muab pub dawb-dawb rau kuv
Muab pub dawb-dawb rau kuv.

Kuv ntseeg thiab ciasiac ntsoov hais tias
Kuv yuav mus txog Ceebtsheej
Mus nyob hauv Vajtswv lub xubntiag
Muaj kev thajyeeb nyabxeeb
Muaj kev thajyeeb nyabxeeb.

“Vaj Ntsujplig los kav tagnrho kuv lub siab, ces tus timtsww ntawd coj kuv nce mus sau ib lub ncovroob siab-siab. Nws tawtes qhia lub nroog Yeluxalees rau kuv saib, yog lub Nroog Dawbhuv uas tabtom los ntawm Vajtsww tus uas nyob saum ntuj los, 11 thiab Vajtsww tus tshwjchim ci ntsa-iab hauv lub nroog ntawd tuaj. Lub nroog ntawd ci ntsa-iab ibyam li lub qaizeb ci-ci uas muaj nqis hu ua manixaus; lub qaizeb ntawd pomkev tshabplaws ibyam li daim av.” Tshwmsim 21:10-11

392. SAUM CEEBTSHEEJ NROG VAJTSWV NYOB

Saum Ceebtsheej nrog Vajtswv nyob
Txhua lub tsev zoo ruajkhov
Lub nroog ntawd tsis txawj puastsuaj
Kev tsausntuj los yeej tsis muaj.

Vajtswv so peb lub kuamuag
Yuav tsis muaj txoj kev quajntsuaq
Sau Ceebtsheej tsis suav caij suav nyoog
Vim tsis muaj hnub, hli, thiab xyoo.

Saum Ceebtsheej tsis muaj tsausntuj
Vim yog muaj Tswv Yexus
Yeej tsis muaj lub hnub lub hli
Yexus tibleeg ci kajnrig.

Saum Ceebtsheej xuas kub pua kev
Tsis muaj leejtwg txomnyem
Yeej tsis muaj tubsab tubnyiag
Tej qhovrooj yeej qhiblug cia.

Saum Ceebtsheej tsis txias tsis kub
Sawvdaws nyob kaisiab lug
Yeej tsis muaj kevploj kevtuag
Sawvdaws yuav nyob tsosiab plhuav.

"15 Yog lintawd lawv thiaj tau los sawv tabmeeg ntawm Vajtswv lub zwmtxwv, pehawm Vajtswv tashnub taghmo hauv lub Tuamtsev. Tus uas nyob saum lub zwmtxwv yuav nrog lawv nyob thiab tsomkwm lawv. 16 Lawv yuav tsis tshaib tsis nqhis; nag yuav tsis ntub thiab tshav ntuj yuav tsis kub lawv li lawm. 17 Rauqhov tus Menyuam Yaj uas sawv ntawm lub zwmtxwv yuav yug lawv thiab coj lawv mus haus tej qhov dejtxhawv uas cawm tibneeg txojsia. Thiab Vajtswv yuav so lawv tej kuamuag huv tuabsi mus." Tshwmsim 7:14-17 (PTT)

393. NROOG YELUXALEES TSHIAB

Nroog Yeluxalees tshiab
Yog nroog Ceebtsheej
Kuv xav mus pom
Lub nroog ntawd yog qhov chaw tauzoo
Thaustwg kuv mam mus txog.

Nroog Yeluxalees tshiab
Vajtswv npajtseg rau tus uas ntseeg
Txhuatus uas lees Tswv Yexus ua tus Cawmseej
Yuav muaj feem nrog Tswv Yexus
Nyob ua ibke saum ntuj Ceebtsheej.

Lub nroog ntawd yeej tsis siv
Lub hnub lub hli los ci pomkev
Rua qhov lub nroog ntawd tsis
Muaj kev tsausntuj li nyob ntajteb.

Muaj ib tus dej ntshiab ntws
Hauv lub nroog ntawd yog dej cawmsiav
Ob sab ntug dej muaj ntoo tawgpaj
Txitxiv tsw qabzib ntxiag.

Cov nploojntoos hav ntsuabxiab
Ntawm txhua tso ntoo yog kuab yog tshuaj
Ntuj Ceebtsheej thiaj tsis muaj
Kev mob kev nkeeg kevploj kevtuag.

Cov pejxeem nyob Ceebtsheej txhuatus
zoosiab lawv qhuas Vajtswv
Lawv seevsuab los hunkauuj txhawbnqa
Vajtswv kawgsiab kawgntsaws.

394. KUV YUAV TAU MUS TXOG

Kuv yuav tau mus txog kuv Leejtxiv lub tsev
Kuv Leejtxiv lub tsev
Kuv Leejtxiv lub tsev
Kuv yuav tau mus txog kuv Leejtxiv lub tsev
Yuav tau nyob ibtxhis mus.

Kuv Leejtxiv lub tsev nyob saum ntuj Ceebtshiej
Nyob saum ntuj Ceebtshiej
Nyob saum ntuj Ceebtshiej
Kuv Leejtxiv lub tsev nyob saum ntuj Ceebtshiej
Yuav tau nyob ibtxhis mus.

Yexus yuav coj kuv mus txog Leejtxiv tsev
Mus txog Leejtxiv tsev
Mus txog Leejtxiv tsev
Yexus yuav coj kuv mus txog Leejtxiv tsev
Yuav tau nyob ibtxhis mus.

Kuv yeejyuav ntsib koj hauv Leejtxiv lub tsev
Huv Leejtxiv lub tsev
Huv Leejtxiv lub tsev
Kuv yeejyuav ntsib koj hauv Leejtxiv lub tsev
Yuav tau nyob ibtxhis mus.

Nrog kuv mus uake nyob saum Leejtxiv tsev
Nyob saum Leejtxiv tsev
Nyob saum Leejtxiv tsev
Nrog kuv mus uake nyob saum Leejtxiv tsev
Yuav tau nyob ibtxhis mus.

Thaum-ub Vajtsvv Tsim Tibneeg

(Zaj no nyob phau nkauj qub)

1. Thaum-ub Vajtsvv tsim neeg los nyob hauv ntajteb
Nws tsim kom zoonkauj kom zoonraug Vajtsvv hlub kawg
Nwg nrog nkawd sisraug zoo
2. Tabsis ob tus ntawd tsis nyiam mloog Vajtsvv lus
Vajtsvv thiaj ntiab nkawd tawm hauv lub qhovchaw zoo mus
Nkawd raug kev ploj kev tuag
3. Thaum ntawm los neeg sawvdaws puavleej ua txhaum tag
Nyias thiaj tsiv nyias mus nyob txhua-txhua qhovchaw tagnrho
Tsis nco Vajtsvv tshavntuj.
4. Neeg raug kev txomnyem thiab raug kev quaj kev nyiav
Pe dab thiab pe mlom tsis muaj leejtwg hwm Vajtsvv
Ua dabtauj ua dabqhev.
5. Tswv Yexus yeej tsis tau ua ibnyuag qhov txhaum
Vajtsvv thiaj txib Vajtsvv Leejtub los nrog neeg nyob
Yexus los Yug ua neeg.
6. Tswv Yexus yeej tsis tau ua ibnyuag qhov txhaum
Tabsis luag muab Yexus ntsia sau tus ntoo khaublig
Nws tuag theej peb lub txhoj.
7. Cov thwjtum muab Yexus lub cev mus fausca
Cov tubrog zov nruij tsis pub leejtwg qhib qhov ntxa
Lawv ntshai yuav muaj neeg nyiag.
8. Tau peb hnub Vajtsvv tsa Yexus sawv rovlos
Nws kovyeej kevtuag thiab nws kovyeej dab Ntxwjnyoog
Yexus sawv hauv qhov tuag.
9. Yexus ntua cov thwjtum kom sawvdaws ncontsoov
Vajtsvv tus Ntsujplig yuav los nrog lawv sawvdaws nyob
Kom mus qhia txoj Moo Zoo.
10. Yexus yuav rovlos rau hauv lub ntajteb no
Yexus yuav rautxim rau txhuatus tsis tso dab tseg
Coj cov ntseeg mus saum ntuj.

Tsistxhob Tag Kev Ciasiaab Mog

Cov phoojywng, nyob lub ntiajteb no ces peb yeejyuav muaj kev nyuarsiab ntxhovplawv lino ibzaug tas ibzaug tuaj li. Txawm lintawd los cia tej nkauj no ua ib cov suab hais tujtaws rau peb lub siab, ua ib qhov kev txhawbzog rau peb ibzaug dhau rua ibzaug os.

Hnubno koj nyuarsiab thiab ntsib txoj kev tsausntuj lov! Thov tus Tswv Yesus ua tus Tswv tuav koj tes, thiab nrog koj nyob. Nws yuav pab kom koj tiv taus dhau os. Tsistxhob cia koj ibleeg tiv mog! Uantej Tswv Yesus yuav ncaim Nws cov thwjtum mus, Nwg coglus hais tias Nws yuav tsis cia lawv nyob uantsuag no os (Yuhas 14:18). Yogli, tsis hais lub sijhawm twg losxij, koj yuav ntsib kev nyuarsiab ntxhovplawv, yuav ntsib kev plojtuag, yuav ntsib kev txhawj kev ntshai, yuav tau kev tws es tsis paub yuav ua licas, thiab lwmuyam kev tsausntuj nti licas los ncontsoov tias tus Tswv Yesus nyob ze koj. Nws hlub koj, Nws xav puag koj rau hauv Nws lub xubntiag os. Koj hais rau Nws li no: “Tswv Yesus, Koj nyob ko lov! Tsis muaj leejtwg paub kuv txoj kev txhawj thiab kev nyuarsiab li os, tsuasyog Koj tibleeg xwb thiaj paub txhua yam uas tabtom raug kuv no. Kuv thov Koj pab kuv ris kuv lub nra no, kuv ris tsistaus lawm os! Kuv tuav kuv tug Tswv Yesus lub npe uas Dawvhuv thiab muaj Hwjchim thov, Amees!”

Vajtsvv Txojlus qhia tias Vajtsvv niajhnuv ris peb lub nra ibhnub dhau ibhnub ni os (Ntawvnkauj 68:19). Yog koj twb thov tag li saumtoj no lawm ces ciasiaab tias tus Tswv Yesus twb hnov lawm, Nws yuav pab koj os. Yog koj xav kom xibhwlb thov Vajtsvv pab koj ntxiv los ciali nrhiav ibtug xibhwlb thiab hu rau nws os.

Thov Vajtsvv txhawb thiab pab kom koj yuav tiv taus dhau!

Grace Hmong Alliance Church © 8/2025/NK

4400 N. Mayfair Rd, Wauwatosa, WI 53225 * www.ghalliance.org * Email: info@ghalliance.org